

ՔԱԿԱՄՐՑԱԿՑԱՅԻՆ ԻՐԱՎՈՒՆՔ

ԴՐՍԵՎՈՐՄԱՆ ԶԵՎԵՐԸ

Արսեն ԹԱՎԱՂՅԱՆ

ԵՊՀ քաղաքացիական իրավունքի
ամբիոնի ասպիրանտ

Թամաշխարհային տնտեսական համակարգերի զարգացման պատմությունը ցույց է տվել, որ առավել արդյունավետ են նրանք, որոնց հիմքում ընկած է շուկայական մրցակցությունը, այսինքն՝ բոլոր ապրանքային շուկաներում տնտեսվարող սուբյեկտների «արդար մրցակցությունը», որը հասարակության և նրա քաղաքացիների կարիքների առավել բավարարման առաջնահերթ պայմանն է¹: Մրցակցությանը վճառ հասցնող գործելակերպերից են հակամրցակցային համաձայնությունները, երբ մի քանի տնտեսվարող սուբյեկտներ պայմանավորվում են չնրցակցել՝ դրանով իսկ վճառ հասցնելով սպառողներին և խոչընդոտելով այլ տնտեսվարող սուբյեկտների մուտքը ապրանքային շուկա կամ դուրս մղելով նրանց այդտեղից:

Ցանկացած օլիգոպոլիստական շուկայում առկա են ֆիրմաների գործելակերպը և գնագոյացման մեխանիզմները համակարգելու խթաններ: Դա հիմնականում կատարվում է ֆիրմաների կողմից ապրանքի բացթողնման միանման գներ սահմանելու միջոցով՝ տվյալ ճյուղի և յուրաքանչյուր ֆիրմայի սեփական շահույթը ավելացնելու համար: Ցանկացած օլիգոպոլիստ, գործելով առանձին, ստանում է ավելի քիչ շահույթ, ուստի նա ձգտում է գործել համաձայնեցված²:

Ցակամրցակցային համաձայնությունների դեմ ուղղված առաջին օրենսդրական

ակտերը նշակվել են ԱՄՆ-ում: Դեռևս 1890թ.-ին ընդունված Շերմանի ակտի³ 1-ին հոդվածը հակաօրինական է ճանաչում տրեստը կամ ցանկացած այլ տեսակի պայմանագիրը կամ միավորումը, որի նպատակն է նահանգների կամ օտարերկրյա պետությունների միջև առևտուի կամ արդյունաբերության զարգացման սահմանափակումը:

Ցակամրցակցային համաձայնություններն արգելու դրույթներ նախատեսում է նաև Եվրոպական տնտեսական համագործակցության ստեղծման մասին 1957 թ.-ի Ռոռմի պայմանագիրը⁴: Դրա 85 հոդվածի 1-ին մասը արգելում է ծենարկությունների միջև բոլոր համաձայնությունները, ծեռնանկությունների միավորումների բոլոր այն որոշումները և համաձայնեցված գործողությունները, որոնք կարող են վճառ հասցնել անդամ երկրների միջև առևտուի և որպես նպատակ կամ հետևանք սահմանափակում, կանխում կամ խեղաթյուրում են մրցակցությունը Միասնական շուկայի սահմաններում: Ցակամրցակցային համաձայնությունների կանխման վերաբերյալ դրույթ է նախատեսում նաև ՄԱԿ-ի ՅՈՒՆԿ-ՏԱՐ-ի կազմած «Մրցակցության վերաբերյալ տիպային օրենքը»⁵:

Ցայսատանի Ցանրապետությունում տնտեսական մրցակցության պաշտպանության ուղղված հիմնական իրավական ակտը «Տնտեսական մրցակցության պաշտպանության մասին» ՀՀ օրենքն է⁶ (այսուհետ նաև՝ Օրենք): Օրենքի 5-րդ հոդվածի 1-ին մասը սահմանում է հակամրցակցային համաձայնությունների հասկացությունը. «Ցակամրցակցային համաձայնություններ են համարվում տնտեսվարող սուբյեկտների միջև կնքված այն գործարք-

Աերը, նրանց համաձայնությունները, ուղղակի կամ անուղղակի համաձայնեցված գործողությունները կամ վարքագիծը, տնտեսվարող սուբյեկտների միավորումների ընդունած որոշումները (այսուհետ՝ համաձայնություններ), որոնք ուղղակի կամ անուղղակի հանգեցնում են կամ կառող են հանգեցնել մրցակցության սահմանափակմանը, կամ մասնը կամ արգելմանը»: Ուսումնասիրենք այս բնորոշման առանձին հատկանիշները:

Ըստ Օրենքի՝ հակամրցակցային համաձայնությունները կնքվում են տնտեսվարող սուբյեկտների միջև: Օրենքի 4-րդ հոդվածը սահմանում է տնտեսվարող սուբյեկտին որպես արտոնագրային վճար վճարող անհատ ծեռնարկատեր, իրավաբանական անձ, այլ կազմակերպություն, դրա ներկայացուցիչ, ներկայացուցչություն կամ մասնաճյուղ, անձանց խումբ, առևտրային ցանց:

Ինչպես տեսնում ենք, Օրենքը տնտեսվարող սուբյեկտների բավականին լայն շրջանակ է նախատեսում: Առանձնահատուկ ուշադրության է արժանի անձանց խումբը որպես մեկ տնտեսվարող սուբյեկտ դիտելը: Օրենքը տալիս է այն պայմանների ամբողջությունը, որոնց դեպքում իրավաբանական և ֆիզիկական անձինք կարող են համարվել միևնույն անձանց խմբի մեջ մտնող: Փաստորեն, այդ պայմանները հանգում են այն նորին, որ եթե անձինք ուժեմ ընդհանուր տնտեսական շահեր և որոշակի աստիճանի փոխկապվածություն, նրանք կարող են համարվել նույն անձանց խմբի մեջ մտնող:

Անձանց խումբը որպես առանձին տնտեսվարող սուբյեկտ դիտելը հանգեցնում է հետևյալ եզրակացության. համաձայնությունը ենթադրում է, որ այն պետք է կայացվի երկու և ավելի տնտեսվարող սուբյեկտների միջև: Անձանց խումբը, անկախ այդ խմբի մեջ մտնող իրավաբանական և ֆիզիկական անձանց քանակից, մեկ տնտեսվարող սուբյեկտ է: Ուստի, եթե հակամրցակցային համաձայնությունը կնք-

վում է նույն անձանց խմբի մեջ մտնող երկու կամ ավելի սուբյեկտների միջև, օրենքի իմաստով այն չի կարող հակամրցակցային համաձայնություն համարվել, քանի որ այն չի կնքվում երկու տնտեսվարող սուբյեկտի միջև: Այս նույն միտքը, սակայն համակենտրոնացումների վերաբերյալ, արտահայտել է նաև Տնտեսական մրցակցության պաշտպանության պետական հանձնաժողովը (այսուհետ նաև՝ Հանձնաժողով)՝ նշելով, որ եթե միավորումը տեղի է ունենում նույն անձանց խմբի միջև, այն չի համարվում համակենտրոնացում⁷: Կարծում ենք՝ այս հետևյալունը կիրառելի է նաև հակամրցակցային համաձայնությունների համար:

Հակամրցակցային համաձայնությունների սուբյեկտային կազմի առանձնահատկությունը հնարավորություն է տալիս տարբերակելու հակամրցակցային այս վարքագիծը մյուսից՝ արգելված պետական օժանդակության տրամադրումից: Օրենքի 16.1 հոդվածը արգելում է պետական մարմնի կամ դրա պաշտոնատար անձի կողմից կոնկրետ տնտեսվարող սուբյեկտի կամ տնտեսվարող սուբյեկտների որոշակի խմբի տրամադրվող ցանկացած օժանդակությունը, որն ուղղակի կամ անուղղակի կերպով հանգեցնում կամ կարող է հանգեցնել որևէ ապրանքային շուկայում մրցակցության սահմանափակմանը, կամ մասնը կամ արգելմանը կամ վճարում կամ կարող է վճարել սպառողների շահերը: Այս երկու հակամրցակցային վարքագիծների նմանությունն այն է, որ երկուսի դեպքում էլ առկա է սուբյեկտների բազմաթիվություն: Սակայն հիմնական տարբերությունը, ինչպես բխում է Օրենքից, այն է, որ հակամրցակցային համաձայնությունները կնքվում են միայն տնտեսվարող սուբյեկտների միջև, իսկ հակամրցակցային վարքագիծը արգելված պետական օժանդակություն համարելու համար անհրաժեշտ է, որ առկա լինի պետական մարմնի կամ դրա պաշտոնատար անձի մասնակցություն: Այդ մասնակցությունը պետք է նաև փոխ-

ՔԱՂԱՔԱՑԻԱԿԱՆ ԻՐԱՎՈՒՆՔ

կապակցված լինի տվյալ պետական մարմնի կամ պաշտոնատար անձի լիազորությունների հետ և որոշակիորեն բխի դրանցից:

Սուրբեկտային կազմի առանձնահատկությունները հնարավորություն են տալիս տարբերակելու հակամրցակցային համաձայնությունները նաև գերիշխող դիրքի չարաշահումից: Վերջինիս դեպքում անհրաժեշտ է, որ առկա լինի մեկ սուրբեկտ, որը ապրանքային շուկայում իր բաժնենասի կամ այլ հանգանքների շնորհիկ կարող է ազդել շուկայի իրավիճակի վրա: Այդ իսկ պատճառով արգելվում է վերջինիս կողմից որոշակի գործողությունների կատարումը: Իսկ հակամրցակցային համաձայնությունների դեպքում անհրաժեշտ է, որ որոշակի գործողություն իրականացվի երկու կամ ավելի սուրբեկտների կոմից, և վերջիններիս՝ ապրանքային շուկայում բաժնենասի չափը որոշիչ չէ:

Հակամրցակցային համաձայնությունների և գերիշխող դիրքի կարգավորման միջև տարբերությունը վերլուծելու համար անհրաժեշտ է քննել կոլեկտիվ գերիշխող դիրքի հնատիտուտը, որը նախատեսված է որոշ երկրների⁸, այդ թվում և՝ Հայաստանի օրենսդրությամբ: Օրենքի 6-րդ հոդվածի 3-րդ և 4-րդ կետերը սահմանում են կոլեկտիվ գերիշխող դիրքի հասկացությունը. «Ապրանքային շուկայում իրացնան կամ ձեռքբերման առավել մեծ ծավալներ ունեցող երկու տնտեսվառող սուրբեկտներից յուրաքանչյուրը տվյալ ապրանքային շուկայում համարվում է գերիշխող դիրք ունեցող, եթե նրանք որպես իրացնող կամ ձեռք բերող իրացնան կամ ձեռքբերման ծավալներով միասին գրավում են տվյալ շուկայի առնվազն մեկ երկորորդը: Ապրանքային շուկայում իրացնան կամ ձեռքբերման առավել մեծ ծավալներ ունեցող երեք տնտեսվառող սուրբեկտներից յուրաքանչյուրը տվյալ ապրանքային շուկայում համարվում է գե-

րիշխող դիրք ունեցող, եթե նրանք որպես իրացնող կամ ձեռք բերող իրացնան կամ ձեռքբերման ծավալներով միասին գրավում են տվյալ շուկայի առնվազն երկու երրորդը»:

Չնայած կոլեկտիվ գերակայությունը միջազգային պրակտիկայում բավականին տարածում ստացած ինստիտուտ է, սակայն դրա կիրառումը բավականին վիճելի է և քննադատության է արժանանում տեսական գրականության մեջ: Յեղինակների մի խումբ նշում է, որ «տեսականորեն համատեղ գերիշխող դիրքի պայմաններում չարաշահումը որպես հակամենաշնորհային օրենսդրության խախտում կարող է ներկայացվել և որպես հակամրցակային համաձայնություն, և որպես գերիշխող դիրքի չարաշահում»⁹, և «կոլեկտիվ գերիշխող դիրքի ներդրման պատճառ այն է, որ հակամենաշնորհային մարմինը այդպես էլ չի սովորել ապացուցել այնպիսի խախտումներ, ինչպիսին են տնտեսվարող սուրբեկտների համաձայնեցված գործողությունները, և փորձում է ստանալ ազդեցության նոր միջոցներ, ինչը դժվար թե արդարացի է»¹⁰: Տեսական գրականության մեջ կոլեկտիվ գերակայությանը երբեմն տրվում են այնպիսի սահմանումներ, որոնք հնարավորություն չեն տալիս դրանք տարանջատել հակամրցակցային համաձայնություններից: Մասնավորապես նշվում է, որ «կոլեկտիվ գերիշխող դիրքը շուկայի դրույթուն է, որի դեպքում մի քանի խոշորագույն կազմակերպություններ գիտակցված իրաժարվում են միմյանց միջև մրցակցությունից և համախմբված շուկայական իշխանության ուժով իրենց գործողություններով ձևավորում են ապրանքների շրջանառության իրենց ձեռնոտու պայմաններ, շուկայից հեռացնում են ընդհանուր մրցակիցներին կամ չեն թույլատրում մրցակիցների մուտքը շուկա»¹¹: Այս երկու հասկացությունների միջև շփոթի հիմնական պատճառը դրանց տարբերակնան ոչ հստակ լինելն է:

Օրենքի դրույթները ուսումնասիրելիս

հարց է ծագում՝ արդյո՞ք կոլեկտիվ գերիշխողը դիրքում տնտեսվարող սուբյեկտները պետք է գործեն համատեղ: Եթե այս, ո՞րն է այս տիպի չարաշահումների տարրերությունը հականդցակային համաձայնություններից, եթե ոչ, ի՞նչ ինաստ կա սահմանել նույն հոդվածի մի կետով գերիշխող դիրքի որոշման մեկ պայման՝ ապրանքային շուկայի մեկ երրորդը գրավելը, մյուս կետով՝ այլ պայման¹²:

Որպես կոլեկտիվ գերիշխող դիրքի ինստիտուտի օրենսդրական ամրագործական արդարացում կարող է հնչել հետևյալ միտքը, որ պետք է տարրերակված մոտեցում ցուցաբերել այն շուկաներին, որտեղ առկա են մեկ մեջ մասնակից ու բազմաթիվ փոքր, և նրանց միջև, որտեղ առկա են մի քանի համեմատաբար մեջ տնտեսվարող սուբյեկտներ, որոնք, սակայն, չեն գրավում որոշիչ բաժնենասա: Այդպիսի շուկաներում տնտեսվարող սուբյեկտների համար ավելի հեշտ է ազդել շուկայական դրույթան վրա: Սակայն Օրենքում կատարված փոփոխություններով, որոնք ուժի մեջ են մտել 23 մայիսի 2011թ.-ին¹³, նախատեսվել է այսպես կոչված գերիշխող դիրքի որոշման որակական չափանիշ, ըստ որի՝ անկախ ապրանքային շուկայի բաժնենասից, եթե տնտեսվարող սուբյեկտն ունի շուկայական իշխանություն, վերջինս կարող է համարվել գերիշխող դիրք գրավող: Ուստի վերոնշված արդարացումը նույնպես կիրառելի չէ, քանի որ գերիշխող դիրքի որոշման որակական չափանիշի ներդնումը արդեն իսկ հնարավորություն է տալիս տնտեսական նրգակցության պաշտպանության պետական հանձնաժողովին տարրերակցված մոտեցում ցուցաբերելու տարրեր ապրանքային շուկաների նկատմամբ:

Օրենքի 5-րդ հոդվածը տալիս է այն ձևերը, որոնցով կարող է դրսևորվել հականդցակային համաձայնությունները: Հականդցակային համաձայնություններ են համարվում տնտեսվարող սուբյեկտների՝ նրգակցության սահմանափակմանը, կանխմանը կամ արգելմանը հանգեցնող

– գործարքները,
– համաձայնությունները,
– ուղղակի կամ անուղղակի համաձայնեցված գործողությունները կամ վարքագիծը,

– տնտեսվարող սուբյեկտների միավորումների ընդունած որոշումները:

Դարկ է վերլուծել հականդցակային համաձայնությունների դրսևորման նշված ձևերը առանձին-առանձին՝ մատնանշելով նաև այն հանգմանաճները, որոնց առկայության դեպքում հականդցակային համաձայնությունը կարելի է համարել ապացուցված:

Հականդցակային համաձայնություն համարվող գործարքներ: Գործարք ասելով՝ Օրենքի 5-րդ հոդվածը հոլում է կատարում ՀՀ քաղաքացիական օրենսգրքին¹⁴: Տնտեսվարող սուբյեկտների միջև գործարքը պետք է մեկնարանել պայմանագրի լույսի ներքո: ՀՀ քաղաքացիական օրենսգրքում ներկայացված պայմանագրերի առանձին տեսակների կարգավորումները արդեն իսկ նախատեսում են որոշակի դրույթներ, որոնք կարող են առնչվել տնտեսական մրցակցության պաշտպանությանը: Սասնակորապես, այդպիսի դրույթներ վերաբերում են գործակալության և ֆրանչայզինգի պայմանագրերին: Այսպես, ՀՀ քաղաքացիական օրենսգրքի 808 հոդվածը նշում է, որ գործակալության պայմանագրով կարող է նախատեսվել որոշակի տարածքում գործող այլ գործակալների (պրինցիպալների) հետ նմանօրինակ պայմանագրով չկնքելու պարտավորությունը կամ ձեռնպահ մնալու այդ տարածքում գործակալության պայմանագրի առարկան կազմող նանօրինակ ինքնուրույն գործունեություն իրականացնելուց: 975 հոդվածը նույնական սահմանում է, որ որոշակի դեպքերում ֆրանչայզինգի պայմանագրով կարող է սահմանվել այլ տնտեսվարող սուբյեկտների հետ պայմանագրեր չկնքելու և պայմանագրային հարաբերությունների մեջ չմտնելու դեպքեր: Պետք է նշել, որ Տնտեսական մրցակցության պահանջմանը կամ արգելմանը հանգեցնող

ՔԱՂԱՔԱՑԻԱԿԱՆ ԻՐԱՎՈՒՆՔ

յան պաշտպանության պետական հանձնաժողովը իր պարզաբանումներից մեկում նշել է, որ ֆրանչայզինգի պայմանագիրը կարող է դիտվել որպես հակամրցակցային համաձայնություն¹⁵: Կարծում ենք, չնայած նշված հանգամանքին, այդպիսի սահմանափակումները ֆրանչայզինգի պայմանագրում ամեն դեպքում պետք է համարվեն թույլատրելի, քանի որ այդ պայմանագրերով նախատեսվող հնարավոր սահմանափակումները իրականում նպաստում են ապրանքային շուկայի զարգացմանը՝ պաշտպանելով ֆրանչայզինգի պայմանագրի կողմերի մտավոր սեփականության իրավունքները: Հատկանշական է, որ «Մրցակցության պաշտպանության մասին» Ուժամաստանի Դաշնության դաշնային օրենքի¹⁶ 12-րդ հոդվածն ուղղակիորեն նշում է, որ ֆրանչայզինգի պայմանագրերը թույլատրելի են:

Գործարքի տեսքով հակամրցակցային համաձայնության առկայության համար միակ կիրառելի ապացույցը գրավոր պայմանագիրն է: Կարելի է, իհարկե, քննարկել բանավոր պայմանագրի առկայության պայմաններում նշված ձևով կայացված հակամրցակցային համաձայնության առկայության հնարավորությունը: Սակայն, ապացուցման բարդության պատճառով, առավել արդյունավետ է ցանկացած պարագայում, եթե առկա չէ գրավոր պայմանագիր, համարել, որ հակամրցակցային համաձայնությունը դրսևորվել է գործարք չհանդիսացող համաձայնության կամ համաձայնեցված գործողության ձևով, ինչի մասին կխոսվի ստորև:

Տնտեսվարող սուբյեկտների ուղղակի կամ անուղղակի համաձայնեցված հակամրցակցային գործողությունները կամ վարքագիրը: Տնտեսվարող սուբյեկտների միջև հակամրցակցային համաձայնությունները առավել հաճախ որևէ կերպ գրավոր չեն ֆիքսվում: Դրանք հիմնականում

դրսևորվում են այդ տնտեսվարող սուբյեկտների վարքագիրով: Պետք է նշել, որ հակամրցակցային համաձայնությունների առկայությունն ապացուցել գուտ միայն փաստական ապացուցման հիման վրա բավականին բարդ է: Այդ իսկ պատճառով Եվրոպական Միության դատարանը ազատել է հանձնաժողովին հակամրցակցային համաձայնության կոնկրետ փաստը ապացուցելու պարտականությունից, եթե առկա է համաձայնեցված գործողությունների մասին վկայող հանգմանք¹⁷:

Նմանատիպ մոտեցում նախատեսված է նաև Օրենքի 5-րդ հոդվածի 5-րդ մասով, ըստ որի՝ հակամրցակցային համաձայնությունը համարվում է ապացուցված, եթե՝

ա) առկա է այդ մասին վկայող որևէ փաստական տվյալ (այդ թվում՝ ցանկացած գրավոր փաստարությթ կամ գրավոր այլ ապացույց, տեսագրություն կամ ձայնագրություն) կամ օրենքով չարգելված ցանկացած այլ ապացույց,

բ) այդ մասին են վկայում տնտեսվարող սուբյեկտների գործողությունները կամ վարքագիրը:

Այսինքն՝ բոլոր այն դեպքերում, եթե Տնտեսական մրցակցության պաշտպանության համաձայնով հաստատում է հոդվածի 2-րդ մասում նախատեսված գործողությունների (համաձայնեցված գործողությունների) առկայությունը, այլևս չի պահանջվում համաձայնության առկայության ապացուցումը:

Այս գործիքը շատ արդյունավետ կարող է լինել Տնտեսական մրցակցության պաշտպանության պետական հանձնաժողովի համար հակամրցակցային համաձայնությունների դեմ պայքարի գործում: Սակայն, պետք է նշել, որ Յանձնաժողովը ոչ արդյունավետ է կիրառում Օրենքի նշված դրությը: Մասնավորապես, ՏՄԴՊՀ-Ծ իր 21 դեկտեմբերի 2009թ.-ի թիվ 93 Ա որոշման¹⁸ մեջ դեղերի շղնառության ոլորտում գործող մի շարք տնտեսվարող սուբյեկտներին պատասխանատվության միջոց կիրառելիս

հիմնվել է այդ հոդվածի վրա: Սակայն հետագայուն ՏՄՊԴ-ն իր 23 ապրիլի 2010 թվականի թիվ 48-Ա որոշմամբ¹⁹ անվավեր ճանաչեց 93 Ա որոշումը՝ մատնանշելով, որ այն ընդունվել է օրենքի խախտմամբ, այդ բվում՝ օրենքի սխալ կիրառման կամ սխալ մեկնաբանման հետևանքով: Պրակտիկայի այսպիսի զարգացումները չի կարելի համարել արդարացված, քանի որ հակամրցակցային համաձայնության կայացման փաստի ամրագրումը բավականին բարդ գործընթաց է, և միայն այդ փաստի հիման վրա պատասխանատվության կիրառումը իրավաչափ համարելը բավականին բարդացնում է Հանձնաժողովի գործունեությունը:

Սակայն պետք է ի նկատի ունենալ, որ համընկնող վարքագիծը ոչ միշտ է վկայում հակամրցակցային համաձայնության առկայության մասին: Այդ գործողությունները պետք է նաև բավարարեն որոշակի պայմաններ: Տեսական գրականության մեջ առանձնացնում են հետևյալ երկուսը՝

– այդ գործողությունների արդյունքը համապատասխանում է համաձայնության բոլոր մասնակիցների շահերին, եթե միայն գործողությունները նախապես հայտնի են մնացածին,

– տնտեսվարող սուբյեկտների գործեկերպի փոփոխությունը պայմանավորված է այլ տնտեսվարող սուբյեկտների գործելակերպով և ոչ թե տնտեսական գործուների արդյունք է, որոնք հավասար չափով ազդում են մնացած տնտեսվարող սուբյեկտների վրա²⁰:

Ինչպես նշվեց, առաջին պայմանը միմյանց գործողությունների նախապես հայտնի լինելն է: Համաձայնեցված գործողությունների դեպքում կանխատեսելիությունը տնտեսվարող սուբյեկտների նպատակներից մեկն է²¹: Առանց տեղեկատվության փոխանակության տնտեսվարող սուբյեկտների համար շատ բարդ կիմնի համաձայնեցմել իրենց գործողությունները:

Սակայն հնարավոր է, որ տեղեկատվության փոխանակության փաստ առկա

չլինի: Այդ պատճառով հաճախ նշվում է, որ գործողությունը որպես համաձայնեցված հակամրցակցային որակելու համար տեղեկատվության նախնական փոխանակումը լրացնուցիչ չափանիշ է, բայց ոչ պարտադիր²²:

Համաձայնեցված հակամրցակցային գործողությունները ապացուցված համարելու համար բավարար է, որ տնտեսվարող սուբյեկտների վարքագիծի փոփոխությունները կապված լինեն ոչ թե որոշակի տնտեսական օրյեկտիվ պայմանների փոփոխության հետ, այլ պայմանավորված լինեն մյուս տնտեսվարող սուբյեկտի վարքագիծի փոփոխությամբ: Մասնավորապես, եթե մեկ ապրանքային շուկայում տնտեսվարող սուբյեկտները փոփոխեն իրենց վարքագիծը, օրինակ՝ իշեցնեն կամ բարձրացնեն վաճառվող ապրանքի գինը գուտ այն պատճառով, որ մյուս տնտեսվարող սուբյեկտը այդպես է վարվում, կարելի է հակամրցակցային համաձայնեցված գործողության առկայությունը ապացուցված համարել: Միևնույն ժամանակ, տվյալ պարագայուն պետք է բացակայեն այլ օրյեկտիվ տնտեսական պայմաններ, մասնավորապես՝ հարկերի, այլ վճարների, հումքի, փոխադրումների գների փոփոխությունները:

Որպես համաձայնեցված գործողությունների ապացուցման աղյուր կարող են ծառայել հանդիպումների արձանագրությունները, նամակագրությունը, նախսկին աշխատողների, հաճախորդների, մրցակիների հետ հարցագրույցները²³: Այսպես, ամերիկյան ամենահայտնի հակամենաշնորհային գործերից մեկում (U.S. Steel ընկերության դեմ) որպես հակամրցակցային գործողությունների առկայության հիմնավորում բերվում էին այսպիս կոչված «Հարիի մոտ ընթրիբները»՝ պողպատագործական արդյունաբերության դեկավարների պարբերական հանդիպումները²⁴:

Ուստի առաջարկում ենք Օրենքի 5-րդ հոդվածի 5-րդ մասում ամրագրել, որ հակամրցակցային համաձայնությունը հա-

ՔԱՂԱՔԱՑԻԱԿԱՆ ԻՐԱՎՈՒՆՔ

մարվում է ապացուցված, եթե այդ մասին են վկայում տնտեսվարող սուբյեկտների գործողությունները կամ վարքագիծը, եթե դրանք պայմանավորված չեն տնտեսական սուբյեկտներից անկախ տնտեսական պայմանների փոփոխությամբ:

Տնտեսվարող սուբյեկտների միավորումների ընդունած որոշումները որպես հակամրցակցային համաձայնություն: Մրցակցային իրավիճակին վնաս հասցնող համաձայնեցված վարքագիծ դրսնորելու ցուցումներ կարող են պարունակվել նաև տնտեսվարող սուբյեկտների տարատեսակ միավորումների՝ առևտրաարդյունաբերական պալատների, գործատունների միությունների կողմից ընդունվող որոշումներում: Անհրաժեշտ չէ, որ այդ որոշումները լինեն պարտադիր տվյալ միավորնան անդամ տնտեսվարող սուբյեկտների համար: Չուտ այն հանգամանքը, որ այդ որոշմունք արդեն իսկ ուղղակի ցուցում է պարունակում՝ կատարելու որոշակի գործողություն, որը, փաստորեն, հակամրցակցային է, բավարար է որոշումը հակամրցակցային համաձայնություն որակելու համար:

Սակայն, հիմնականում այս ձևով կայացվող հակամրցակցային համաձայնությունները ուղղակի իրահանգ չեն պարունակում: Դակամրցկացային վարքագիծ դրսնորելու ցուցումները նշված են լինում անուղղակի՝ քողարկելու համար ոչ իրավաչափ վարքագիծը: Այդ դեպքում տնտեսվարող սուբյեկտների միավորումների ընդունած որոշումները հակամրցակցային համաձայնություն որակելու համար բավարար է, որ այդ տնտեսվարող սուբյեկտների վարքագիծ փոփոխությունը պայմանավորված չլինի տնտեսական գործուների փոփոխությամբ, այլ ի հայտ եկած լինի այդ որոշումը կայացնելուց հետո:

Տնտեսվարող սուբյեկտների՝ գործարք և համաձայնեցված գործողություն չհանդիսացող այլ համաձայնությունները: Ինչպես

նշվեց, Օրենքի 5-րդ հոդվածը սահմանում է, որ հակամրցակցային համաձայնություններ են տնտեսվարող սուբյեկտների ոչ միայն գործարքները (պայմանագրերը) և համաձայնեցված գործողությունները, այլև «համաձայնությունները»:

Պետք է նշել, որ գրականության մեջ կարծիքներ են հնչում, որոնց համաձայն՝ հակամրցակցային համաձայնությունները կարող են դրսնորվել միայն գործարքների կամ համաձայնեցված գործողությունների ձևով. Եթե գրավոր գործարք առկա չէ, ապա տնտեսվարող սուբյեկտներին պատասխանատվության ենթակելու համար անհրաժեշտ է համաձայնեցված գործողությունների առկայություն: Նշվում է, որ համաձայնությունները կարող են լինել գրավոր և բանավոր, և եթե գրավոր համաձայնությունը բավականին հեշտ ապացուցելի է, ապա բանավոր համաձայնությունը հաստատելու համար անհրաժեշտ է վկաներ կանչել, օգտագործել այլ ապացուցներ, ինչը անհրական է: Այդ իսկ պատճառով հակամրցակցային բանավոր համաձայնությունները հաճախ որակվում են որպես համաձայնեցված գործողություններ²⁵: Դ. Ա. Պետրովի այս միտքը այլ կերպ ներկայացնում է Ա. Ն. Վարլամովան, ով առաջարկում է համաձայնեցված գործողությունների բնորոշման մեջ նշել, որ վերջիններս կնքվում են բանավոր²⁶: Նշվում է նաև, որ հակամրցակցային համաձայնությունների կայացման ձևերի մեջ, գործարքներից և համաձայնեցված գործողություններից բացի, համաձայնությունները նշելը առնվազն ավելորդ է²⁷, քանի որ դա իր վրա իրավական բեռ չի կրում:

Սակայն կարծում ենք՝ այս մոտեցումը հիմնավորված չէ. հակամրցակցային համաձայնությունները կարող են կայացվել ինչպես գործարքների, համաձայնեցված գործողությունների ձևով, այնպես էլ այնպիսի համաձայնությունների, որոնք չեն կարող որակվել որպես գործարք և համաձայնեցված գործողություն:

Պայմանագիրը, ըստ բաղաքացիական

օրենսգրքի, համաձայնություն է, որն ուղղված է քաղաքացիական իրավունքներ և պարտականություններ սահմանելուն, փոփոխելուն կամ դադարելուն: Հետևաբար, բոլոր պայմանագրերը համաձայնություն են, բայց ոչ բոլոր համաձայնություններն են պայմանագիր: Այս տեսանկյունից, մասնավորապես, հնարավոր է, որ տնտեսվարող սուբյեկտների միջև առկա լինի որոշակի գրավոր կամ բանավոր համաձայնություն, որը, սակայն, չառաջացնի, փոփոխի կամ դադարեցնի որևէ քաղաքացիական իրավունք կամ պարտականություն: Միաժամանակ, տնտեսվարող սուբյեկտները դեռ սկսած չլինեն համաձայնեցված գործողություններ: Այդ համաձայնությունը, միևնույն է, կիամարվի պատճելի, քանի որ Օրենքի 36-րդ հոդվածը պատասխանատվություն է նախատեսում հակամրցակցային համաձայնություն կայացնելու համար, և անհրաժեշտ չէ, որ տվյալ պարագայում առկա լինի որևէ հետևանք՝ տնտեսական մրցակցության կանխման ձևով:

Համաձայնությունները մրցակցային օրենսդրության տեսանկյունից ավելի լայն երևույթ են, քանի որ կարող են ինչպես հաստատել, փոփոխել կամ դադարեցնել կողմերի իրավունքները կամ պարտականությունները (այսինքն՝ կարող են լինել քաղաքացիական պայմանագիր), այնպես էլ կարող են զուտ արձանագրել կողմերի ցանկությունները երրորդ անձանց կամ իրենց վերաբերյալ յուրաքանչյուրի ապագա գործողությունների մասին: Ցանկությունը որոշակի գործելակերպի վերաբերյալ գաղափար է, ենթադրություն²⁸:

Այսինքն՝ Օրենքի 5-րդ հոդվածի իմաստով համաձայնությունը կողմերի բանավոր կամ գրավոր ձևակերպված մտադրություն է, որը, սակայն, չունի քաղաքացիական պայմանագրին բնորոշ հատկանիշներ: Ուստի գործարք չհամարվող համաձայնությունը որպես հակամրցակցային համաձայնության կայացման ձև

նշելը արդյունավետ է, քանի որ հնարավորություն է տալիս կանխելու նաև մրցակցությանը վնաս հասցնող այն վարքագծերը, որոնք չեն կայացվել պայմանագրերի տեսքով, ոեւ առկա չէ համաձայնեցված գործողություն, սակայն այդ համաձայնության նպատակը մրցակցության սահմանափակումը, կանխումը կամ արգելումն է: Այդպիսի համաձայնության առկայությունը ապացուցելու համար կարող են կիրավել ինչպես գրավոր ապացույցներ՝ նամակներ, արձանագրություններ, այնպես էլ վկանների ցուցմունքները:

Տնտեսվարող սուբյեկտների միջև կնքված գործարքները, համաձայնությունները, ուղղակի կամ անուղղակի համաձայնեցված գործողությունները կամ վարքագիծը, տնտեսվարող սուբյեկտների միավորումների ընդունած որոշումները որպես հակամրցակցային համաձայնություն որպես կելու համար անհրաժեշտ է, որ դրանք ուղղակի կամ անուղղակի հանգեցնեն կամ հնարավոր լինի համգեցնել մրցակցության սահմանափակմանը, կանխմանը կամ արգելմանը:

Այսինքն՝ անպայման չէ, որ տնտեսվարող սուբյեկտները նպատակ ունենան սահմանափակելու, կանխելու կամ արգելելու մրցակցությունը: Զուտ այն հանգամանքը, որ իրենց վարքագիծը օբյեկտիվորեն հանգեցնում է կամ կարող է հանգեցնել այդ հետևանքին, բավարար է տնտեսվարող սուբյեկտներին հակամրցակցային համաձայնություն կայացնելու համար պատասխանատվության ենթարկելու համար:

Այն, թե ինչին կարող են վերաբերել հակամրցակցային համաձայնությունները, հնարավորություն է տալիս տարբերակել դրանք մասնավորապես համակենտրոնացումներից: Երկու դեպքում էլ մասնակից են երկու կամ ավելի տնտեսվարող սուբյեկտ: Սակայն եթե հակամրցակցային համաձայնությունների արդյունքը մրցակցության սահմանափակումը, վնասումը կամ արգելումն է, համակենտրոնացումների նպատակը այլ է: Դրա հետևանքով եր-

ՔԱՂԱՔԱՑԻԱԿԱՆ ԻՐԱՎՈՒՆՔ

կու կամ ավելի տնտեսվարող սուբյեկտ որոշակիորեն միավորվում են: Համակենտրոնացումը կարող է չվճառել մրցակցությանը: Սակայն եթե Տնտեսական մրցակցության պաշտպանության պետական հանձնաժողովը գտնի, որ համակենտրոնացումը վնաս է պատճառում մրցակցությանը, ապա կարող է արգելել այն կամ դրա մասնակիցներին առաջարկել կատարման համար պարտադիր լրացուցիչ պայմաններ կամ պարտավորություններ:

Այսինքն՝ հականրցակցային համաձայնությունների և համակենտրոնացումների տարրերությունը դրանց ուղղվածության մեջ է: Այս առումով հատկանշական է Տնտեսական մրցակցության պաշտպանության պետական հանձնաժողովի 18.07.2012թ.-ի 292 Ա որոշումը²⁹: Այդ որոշ-

մանք Համաձնաժողովը քննարկեց հետևյալ դեպքը. յոթ ընկերություն կնքում են գործակալման պայմանագիր մեկ ընկերության հետ, որով վերջինն իրավունք է ստանում գործելու այդ ընկերությունների հաշվին, այդ թվում՝ կնքել պայմանագրեր, անել հայտարարություններ և իրականացնել գործադիր մարմնի այն իրավունքները, որոնք հնարավոր է իրականացնել լիազորագրի միջոցով: Համաձնաժողովը իրավացիորեն համարել է, որ տվյալ դեպքում առկա է ոչ թե հականրցակցային համաձայնություն, այլ համակենտրոնացում, քանի որ գործակալման պայմանագիրը հանգեցնում է ոչ թե միցակցության սահմանափակման, վնասման կամ արգելման, այլ այդ պայմանագրի միջոցով մեկ տնտեսվարող սուբյեկտ ուղղակիորեն կամ անուղղակիորեն կարող է ազդել ուղիշների որոշումների կայացման վրա, ինչը, ըստ Օրենքի 8-րդ հոդվածի 1-ին մասի 5-րդ կետի, համակենտրոնացում է:

¹ Տե՛ս Կիև Ա. Յ. Կարելի և другие антиконкурентные соглашения: право и практика, Инфотропик Медиа. М., 2011, էջ 3:

² Տե՛ս Авдашева С. Б., Розанова Н. М. Доминирующее положение и антиконкурентные соглашения, Экономический вестник Ростовского государственного университета, 2004, том 2 N 2. Р., էջ 118:

³ Ծերմանի ակտի տեքստը հասանելի է այստեղ՝ <http://www.law.cornell.edu/uscode/text/15/chapter-1>

⁴ Եվրոպական տնտեսական համագործակցության ստեղծման մասին Հռոմի պայմանագրի տեքստը՝ հասանելի է այստեղ՝ http://www.ab.gov.tr/files/ardb/evt/1_avrupa_birligi/1_3_antlasmalar/1_3_1_kurucusu_antlasmalar/1957_treaty_establishing_eec.pdf:

⁵ ՅՈՒՆԿՏՍԴ-ի կազմած «Մրցակցության վերաբերյալ տիպային օրենքի» տեքստը հասանելի է այստեղ՝ http://www.un.org/ru/documents/decl_conv/conventions/pdf/law_competition.pdf

⁶ Տե՛ս «Տնտեսական մրցակցության պաշտպանության մասին» Հայաստանի Հանրապետու-

թյան օրենք N ՀՕ 112, ՀՀՊՏ 2000.12.15/30 (128):

⁷ Տե՛ս Տնտեսական մրցակցության պաշտպանության պետական հանձնաժողովի 11 դեկտեմբերի 2009թ.-ի դ 91-Ն որոշումը «Համակենտրոնացման վերաբերյալ պաշտոնական պարզաբանման մասին»:

⁸ Տե՛ս օրինակ՝ Закон о защите экономической конкуренции Украины. № 2210-III:

⁹ Տե՛ս Шаститко А. Е. Государственная политика в отношении соглашений и согласованных действий, ограничивающих конкуренцию. М.: ТЕИС, 2004 էջ 37:

¹⁰ Варламова А. Н. Конкурентное право России – М.: ИКД «Зерцало-М», 2008, էջ 294:

¹¹ Տե՛ս Сушкевич А. Коллективное доминирование: становление института // Хозяйство и право // 2009, 7 էջ 91:

¹² Տե՛ս Ա. Թավաղյան, Մենաշնորհային և գերիշխող դիրքի կարգավորումն «Ըստ տնտեսական մրցակցության պաշտպանության մասին» ՀՀ օրենքի, Պետություն և իրավունք, թ. 3 (49), էջեր 40-47:

- ¹³ St'u ՀՅ օրենքը «Տնտեսական մրցակցության պաշտպանության մասին» ՀՅ օրենքում փոփոխություններ և լրացումներ կատարելու մասին» ՀՀՊՏ 2011.05.13/27(830) հոդ. 656:
- ¹⁴ St'u Դայաստանի Հանրապետության քաղաքացիական օրենսգիրը ՀՀՏՊ 1998.08.10/17(50):
- ¹⁵ St'u Տնտեսական մրցակցության պաշտպանության պետական հանձնաժողովի 19 օգոստոսի 2011թ.-ի դ 340-Ն որոշումը «Տնտեսվարող սուբյեկտների կողմից կնքվող ֆրանչայզինգի պայմանագրի վերաբերյալ պաշտոնական պարզաբնանան մասին»:
- ¹⁶ St'u Ֆедеральный закон «О защите конкуренции» от 18.07.2009 N 181-ФЗ <http://base.consultant.ru/cons/cgi/online.cgi?req=doc;base=LAW;n=132761>
- ¹⁷ St'u Judgment of the Court of First Instance (Fifth Chamber, extended composition) of 26 October 2000. - Bayer AG v Commission of the European Communities. - Competition - Parallel imports - Article 85(1) of the EC Treaty (now Article 81(1) EC) - Meaning of "agreement between undertakings" - Proof of the existence of an agreement - Market in pharmaceutical products. - Case T-41/96.<http://eurlex.europa.eu/LexUriServ/LexUriServ.do?uri=CELEX:61996A0041:EN:HTML>
- ¹⁸ St'u Տնտեսական մրցակցության պաշտպանության պետական հանձնաժողովի 21 դեկտեմբերի 2009թ.-ի թիվ 93 Ա որոշում:
- ¹⁹ St'u Տնտեսական մրցակցության պաշտպանության պետական հանձնաժողովի 23 ապրիլի 2010 թվականի թիվ 48-Ա որոշում:
- ²⁰ St'u Петров Д. А. Антимонопольное законодательство; теория и практика применения, - Нестор-История, Санкт-Петербург, 2007, N 6, էջեր 36-37:

- 2012, էջ 106:
- ²¹ St'u Сушкевич А. Г. Антиконкурентные соглашения: запреты, исключения из запретов и их пределы в новом Федеральном законе «О защите конкуренции», Законы России: опыт, анализ, практика. 2007, N 6, էջեր 36-37:
- ²² St'u Усенко Е. В. Соотношение понятий «соглашение» и «согласованные действия» в российском антимонопольном законодательстве, Закон, 2008, N 2, էջեր 37-40:
- ²³ St'u Варламова А. Н. Правовое обеспечение развития конкуренции: Учебное пособие. – М.: Статут, 2010, էջ 183:
- ²⁴ St'u Бест М. Новая конкуренция. Инструменты промышленной политики. М.: ТЕИС, 2002, էջեր 101-102:
- ²⁵ St'u Петров Д. А. Антимонопольное законодательство; теория и практика применения, - Нестор-История, Санкт-Петербург, 2012, էջ 105:
- ²⁶ St'u Варламова А. Н. Конкурентное право России. ИКД «Зерцало-М», Москва, 2008, էջ 319:
- ²⁷ St'u Проблемы картелирования российских рынков // Государственная конкурентная политика и стимулирование конкуренции в Российской Федерации: материалы Всерос. науч.-практ. конф. 10 апреля 2007, Москва, էջ 226:
- ²⁸ St'u Петров Д. А. Антимонопольное законодательство; теория и практика применения, - Нестор-История, Санкт-Петербург, 2012, էջ 105:
- ²⁹ St'u Տնտեսական մրցակցության պաշտպանության պետական հանձնաժողովի 18 հուլիսի 2012թ.-ի 292- Ա որոշումը:

ՔԱՂԱՔԱՑԻԱԿԱՆ ԻՐԱՎՈՒՆՔ

WAYS OF EXPRESSION OF ANTI-COMPETITION AGREEMENTS, DIFFERENTIATION THEREOF FROM OTHER ANTI-COMPETITION BEHAVIORS

Arsen TAVADYAN

Post-graduate student of the Chair of the Civil Law department of the Yerevan State University

The article covers the survey of elements of anti-competition agreements. The survey of such elements in the meantime gives differentiation between anti-competition agreements and other expressions of anti-competition behavior.

Here the institute of collective dominant position is analyzed. It is noted that,

although this institution has sufficient spread in the international practice, it is criticized in the scientific literature.

The ways of expression of anti-competition agreements are analyzed. There are also described the conditions upon which existence consistency of anti-competition agreements can be considered as proved.

There is proposed to make supplementation to the RA Law "On Protection of Economic Competition" with the purpose of avoiding any confusion between expressions of anti-competition agreements and regular economic behavior.